



Broj: 11-05-38-19933-1/12
Sarajevo, 17.07.2012. godine

SKUPŠTINA KANTONA SARAJEVO

-ovdje-

PREDMET: Odgovor na poslaničko pitanje, broj: 01-05-19933/12 od 19.06.2012. godine

PITANJA:

Poslanik Hanka Vajzović, na 16. Radnoj sjednici Skupštine Kantona Sarajevo, održanoj 19.06.2012. godine, u okviru tačke Dnevnog reda „Poslanička pitanja, inicijative i odgovori“, postavila je sljedeća poslanička pitanja:

„Zašto već dvije godine stoji upražnjeno mjesto pomoćnika ministra za visoko obrazovanje?“

„Da li je u međuvremenu uspostavljen još jedan sektor za bezbjednost saobraćaja, ono što meni nije jasno, kažem prihvatam da je i moja greška što mi nije jasno, otkud ovaj resor, ova oblast u Ministarstvu obrazovanja?“

ODGOVORI:

U odnosu na prvo postavljeno pitanje uvažene poslanice Hanke Vajzović, obavještavamo vas da Ministarstvo za obrazovanje, nauku i mlade Kantona Sarajevo nije izvršilo izbor kandidata za poziciju 01. Pomoćnik ministra za visoko obrazovanje – 1 (jedan) izvršilac, po Konkursu objavljenom u Službenim novinama FBiH, broj 51/11 od 10.08.2011. godine, odnosno da je konkursna procedura okončana bez izabranog kandidata. U odnosu na takvo okončanje konkursne procedure, u toku je spor pred Općinskim sudom u Sarajevu.

U odnosu na drugo postavljeno pitanje, obavještavamo vas o sljedećem:

Zakonom o osnovama bezbjednosti saobraćaja na putevima u Bosni i Hercegovini iz 2006. godine, ključne aktivnosti propisane ovim Zakonom, a koje se odnose na osposobljavanje, obrazovanje i edukaciju učesnika u saobraćaju su date, sasvim logično, u nadležnost organima zaduženim za obrazovanje, dakle ministarstvima obrazovanja entiteta, kantona i Distrikta Brčko.

Na osnovu ovoga Zakona izrađeni su i odgovarajući pravilnici, a kojima se preciziraju nadležnosti ministarstava obrazovanja, a to su: Pravilnik o osposobljavanju za vozača motornih vozila, Pravilnik o načinu i uvjetima organiziranja ispita za vozača motornih vozila, Pravilnik o uvjetima i načinu sticanja licence i Pravilnik o osposobljavanju kandidata za instruktora vožnje.



Ministar za obrazovanje, nauku i mlade Kantona Sarajevo je bio u obavezi da, u skladu sa navedenim pravilnicima, donese odgovarajuće kantonalne propise i propiše odgovarajuću dokumentaciju i evidenciju, koji će biti u primjeni u Kantonu Sarajevo, što je i učinjeno.

Poslovi propisani Zakonom i pobrojanim podzakonskim aktima, a koji su dati u nadležnost ministarstvima obrazovanja su slijedeći:

- osposobljavanje i provođenje ispita za licencu predavača i ispitivača;
- osposobljavanje i provođenje ispita za instruktora vožnje;
- provođenje ispita za vozača motornog vozila;
- stručno usavršavanje za vozače instruktore i licencirane predavače i ispitivače (za predavače Ministarstvo angažuje i ugledne univerzitetske profesore, među kojima je u oktobru 2010. godine bila angažovana i prof. Hanka Vajzović, održavši predavanja na temu „Vještina komuniciranja“);
- predavanja o posljedicama koje proizlaze iz nepoštovanja i nepoznavanja saobraćajnih propisa;
- formiranje i rad školskih saobraćajnih patrola;
- edukaciju djece predškolskog uzrasta i učenika osnovnih škola iz poznavanja propisa o sigurnosti saobraćaja;
- saobraćajne preventivne akcije u cilju poboljšanja opće sigurnosti saobraćaja;
- praćenje rada auto-škola, kontrola i nadzor, te utvrđivanje uvjeta rada;
- vođenje evidencije i registara o prijavljenim kandidatima, završenoj pripremnoj nastavi, položenim ispitima;
- kontrola i nadzor nad provedbom propisa.

Posebno ističemo član 5. ZOBS-a, u kojem se navodi slijedeće:

„(1) Preduzeća, obrazovne organizacije, ustanove i druga pravna ili fizička lica koji školuju ili obučavaju kandidate za vozače motornih vozila dužni su izvoditi obuku na način koji će osigurati da kandidati nauče i usvoje pravila saobraćaja i etiku u saobraćaju, ovladaju tehnikom upravljanja vozilom i steknu ostalo znanje i vještine potrebne za sigurno učešće u saobraćaju na putevima.

(2) Radi zaštite života i zdravlja djece, škole, obdaništa i druge ustanove u kojima se realizuje vaspitnoobrazovni rad s djecom, kroz nastavne planove i programe, organizuju pripremu djece za učešće u saobraćaju.“

Imajući u vidu činjenicu da bezbjednost u saobraćaju predstavlja globalni problem koji zahtijeva multidisciplinarni pristup, nedvojbeno proizilazi da su ministarstvima za obrazovanje povjereni poslovi na provedbi ZOBS-a i pratećih podzakonskih akata koji se tiču isključivo edukacije i prevencije u saobraćaju, a primjera radi, provođenje represivnih mjera je povjereno ministarstvima unutrašnjih poslova.

S tim u vezi, Ministarstvo za obrazovanje, nauku i mlade Kantona Sarajevo je za realizaciju naloženih poslova: edukacije, prevencije, upravno-pravnih i administrativnih poslova koji se svakodnevno obavljaju već više od 5 godina i koje nije moguće obustaviti (prijem prijava za polaganje ispita, izrada potvrda i uvjerenja, vođenje registracije i evidencije), angažovalo tri uposlenika po osnovu Ugovora o djelu. Za uže stručne poslove koji se odnose na polaganje vozačkog ispita, licenciranje i sl., Ministarstvo već petu godinu angažuje potreban kadar, u skladu sa ZOBS-om, po osnovu Rješenja o imenovanju članova ispitnih komisija, tako da trenutno imamo angažovana 32 člana komisije od kojih je 12 dipl. ing. saobraćaja, 13 kvalifikovanih vozača i 5 članova nastavno-pedagoške struke, svi sa odgovarajućom licencom.

Sa ovim kadrom, Ministarstvo je u proteklih 5 godina osposobilo 122 licencirana ispitivača i predavača, izvršilo zamjenu preko 500 dozvola za instruktora vožnje, osposobilo više od 100 instruktora vožnje i provelo više od 30 000 vozačkih ispita.



web: <http://www.monks.ba>
e-mail: mon@mon.ks.gov.ba

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



U martu 2012. godine su se stekli uvjeti za formiranje Sektora za saobraćaj i edukaciju, te vam u prilogu dostavljamo izvod iz Pravilnika o izmjenama i dopunama Pravilnika o unutrašnjoj organizaciji Ministarstva za obrazovanje, nauku i mlade Kantona Sarajevo, broj: 11-01-02-3754/12 od 07.03.2012. godine, gdje možete izvršiti uvid u opis poslova radnih mjesta, sa napomenom da Sektor nije popunjen sa radnim mjestima za dipl. ing. saobraćaja, 5 licenciranih predavača i ispitivača iz razloga što nisu odobrena sredstava u Budžetu Kantona Sarajevo za tu namjenu, ali će ista biti planirana u narednoj budžetskoj godini.

Takođe napominjemo, da je to jedini sektor koji ima ovu nadležnost u Ministarstvu za obrazovanje, nauku i mlade Kantona Sarajevo.

S poštovanjem,

MINISTAR

Prof. dr. Fahrudin Oručević

Pripremile:

Adisa Hota

Azra Ivazović

Kontrolisala: Liljana Prelčec



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

